



Minggu, 15 September 2024

**Ogen: Kuan-kuanen 19:18**



**"Ajari Tupung Kitik Denga"**



**P**roses perdalanen geluh gelah jadi sekalak si sukses ras erkemalangen man Tuhan tentuna ngelewati tahapentahapen si la mesunah. Sekalak si sukses i bas pendahinna bage pe kegeluhen labo sada hal si gampang guna ndatkenca.

Sekali jadi, reh telepon arah sekalak pernanden si erndeale ate nuriken pergumulen siihadapina; e me kerna anakna si semata wayang. I bas percakapen kami, menam pitu tahun umur perjabunna maka anak e ipelimiken Dibata ku jabuna; erkiteken bage dekahna ia nimai, alu la iarapna maka anak e terlalu i manjakenna seh maka anak e erate-ate janah bagi si kurang tutus atena nerusken perkuliahnenna. Pernanden si erndeale ate e nuriken maka i bas ia mpebelin-belin anak si ikelengina nggo salah pengajaren. Anak e terlalu imanjakan erkiteken ia anak sisada-sada, kai pe isehi nande-bapana, seh maka anak si sada e jadi anak si perate-ate dengen kurang ngergaken ras enghamati kerna kinilatihen orangtuana. Kendelen ate nande-bapana la terjeng anak e perate-ate tapi pe erkiniteken bagi si kurang; kurang nggit bergabung ras teman-teman permata, kurang tutus ku gereja bage pe PA. Akarna persoalen enda turah tupung anak e terlalu i manjakan mulai kin kitik-kitikna nari erkiteken ia anak sisada.

Kuan-kuanen 19:18 "Ajarken disiplin man anakndu tupung kitik denga, adi lang, isampatindu me ia ngkernepen dirina". Pengajaren si isehken kitab kuan-kuanen enda mpersingeti kita orangtua gelah mulai kin anak-anakta kitik denga si ajari ia alu disiplin rikut pe teladah si mehuli arah kita orangtuana. Teladan banci si cidahkan arah perbahanen bage pe pengerana, dengen si ajari anakta e guna meteh apai si mehuli dengen apai si la mehuli. Ibaratken bagi sada batang buluh, buluh e banci iatur perbengkokna tupung buluh e kitik denga, adina nggo galang mesera nge akap lako ngatursa entah banci saja buluh e jadi penggel; selaku orangtua terkhusus kita moria/nande, sijarkenlah anak-anakta mulai kin ia kitik denga.